


4 SOSPECHOSO DETENI PA BENDEMENTO DI DROGA AWE E TEAM DI NARCOTICA A HACI UN ENTRADA



IL LABORATORIO FAMILIAR NV TA CONMEMORA 38 AÑA DI EXCELENCIA DEN CUIDO DI SALUD



PROME MINISTER A ATENDE FORUM Y REUNION TRILATERAL NA EUROPEAN COMMISSION NA BRUSELAS



SRA GRETA POSNER FIGAROA, DOÑO DI BOUTIQUE GISELLE A BAY SOSEGA

Diadomingo mainta a drenta e tristo noticia cu Sra. Greta di Giselle a bay sosega.

Un comerciante grandi di Noord cu atraves di aña a pone su stempel cu su negoshi Boutique Giselle. Solo di Pueblo ta extende palabra di condolencia na tur famia y na tur trahadornan di Boutique Giselle.



VANDALISMO SALIENDO DI MAN; MOMENTO CU A BOLBE KIMA UN PALAPA



Prome Minister Evelyn Wever-Croes: Reunionnan na Hulanda a cuminsa: **PROME MINISTER, MINISTER DI ECONOMIA Y MINISTER PLENIPOTENCIARIO A REUNI CU SECRETARIO DI ESTADO VAN HUFFELEN**



- Prome Minister Evelyn Wever-Croes despues di e conferencia di 'Overseas Countries and Territories Association (OCTA) cu a tuma luga na Bruselas cu siman pasa, na unda cu el a tuma e encargo di Presidente di Octa pa e aña aki, a regresa Hulanda pa diferente reunion entre otro cu Premier Mark Rutte, Secretario di Estado Alexandra van Huffelen, Minister Rob Jetten, y cu Eerste Kamer y Tweede Kamer.

Diabierna prome di

maart, Prome Minister, Minister di Economia Geoffrey Wever y Minister Plenipotenciario Ady Thijsen a reuni cu Secretario di Estado Alexandra van Huffelen. Aruba ta na mesa di negosacion riba e tema di e refinanciamiento di debe y ta sigui traha riba esaki. Prome Minister a indica cu ainda tin algun informacion cu Gobierno mester busca pa asina sigui conbersacionnan riba e tema den e dianan venidero. Importante ta, Prome Minister a expresa,



cu Gobierno di Aruba ta na mesa y ta purbando di sali afo pa baha e interes di 6.9% cu Aruba mester bay paga riba e debe di Covid.

Secretario di Estado van Huffelen lo bishita Aruba dia 20 di maart proximo pa diferente reunion y Gobierno lo continua cu e

reunion riba e tema di debe di Covid cu e Secretario di Estado.

HYUNDAI GETZ A BOLTER Ariba ROTONDE HATO

Hato - Diahuebs anochi laat, algo prome cu 11'or y mey polis a bay rotonde Hato unda Elmar ta.

Eynan un auto a bolter.


Na yegada polis a bin topa cu un Hyundai Getz color cora, cu masha hopi daño material. Den e auto tawata tin 2 ocupante, segun testigo/nan un di nan a core bay laga e sitio. Parse cu e lo por tawata herida.

Pues ta parse cu dos amigo lo tawata trip, y velocidad halto y tambe falta di conocimiento di e rotonde a haci cu nan a bolter cu e Getz.

Un vehiculo cu tawata charge a scapa, door cu net algun meter pazuid di e dje e incidente a sosode.

Polis na e sitio a tuma datos di e cabayero y den algun minuut un otro amigo a yega y a bay cu ne.

Polis di trafico na e sitio a laga takelwagen cu a yega hiba e auto Balashi.



4 SOSPECHOSO DETENI PA BENDEMENTO DI DROGA AWE E TEAM DI NARCOTICA A HACI UN ENTRADA



Hudicial na Semeleerstraat na Noord den cuadro di un investigacion andando pa bendemento di droga for di un percela. For di un

percela den Semeleerstraat a detene cuater persona envolvi den e caso aki. Un hende homber di 26 aña di edad di inicial J.S.C. Tres



hende muher di inicialnan R.J.R.M di 21 aña, S.Z.T.M. di 21 aña y J.R.M. di 40 aña di edad.

Na e dicho percela a haya

marihuana, cocaina y XTC tur esakinan a wordo tuma den beslag pa mas investigacion.

Conhuntamente cu e unidad di Rapid Response

Team, K-9 Unit, Flex Team y bou coordinacion di Unit Narcotica a haci e entrada hudicial aki. No ta descarta cu lo por tin mas detencion.

Minister Dangui Oduber

AWE MAINTA HEALTHY LIFESTYLE CENTER A CUMINSA E DI DOS PROGRAMA DI "IMPROVING LIVES TOGETHER"

Awe mainta Healthy Lifestyle Center a cuminsa e di dos programa di "Improving Lives Together".

Un programa completamente gratis cu Minister Dangui Oduber a inicia cu su vision di traha na un manera preventivo pa asina logra un Aruba mas saludabel.

Improving Lives Together ta un programa cu tin un duracion di 3 luna den cual un total di 30 cliente ta participa. E programa aki ta ofrece guia di nutricion y movecion intensivo den un forma "community based". Durante e periodo aki e clientenan ta ricibi, banda di consultanan semanalmente na HLC cu e dietistanan, tambe un

programa di ehercicio cual ta encera 3 biaha pa siman na un gym na unda nan ta ricibi guia profesional con pa haci movecion na un manera safe y accesibel.

E programa aki ta un colaboracion di Healthy Lifestyle Center Aruba y Club Roy50+, unda e team profesional lo guia tur participante pa nan por sinti nan mes equipa pa por hiba un miho calidad di bida.

Prevencion den salud ta e focus di Ministerio di Salud. E deseo di Minister Dangui Oduber ta pa crea un "movement" pa mas y mas hende participa na programanan y pa asina logra tin un comunidad mas saludabel aki na Aruba.



IL LABORATORIO FAMILIAR NV TA CONMEMORA 38 AÑA DI EXCELENCIA DEN CUIDO DI SALUD


Awe, 1 di Maart 2024, Laboratorio Familiar, un pilar den cuidado di salud den e region, ta orguyoso pa conmemora su 38 aniversario di servicio na e comunidad. Desde su fundacion, Laboratorio Familiar a dedica na brinda, servicionan di laboratorio medico confiabel y completo, contribuyendo na e salud y bienestar di famianan den henter e isla.

Bao di e liderazgo destaca di Irene van der Linde, e Direktor y CEO di Laboratorio Familiar, e laboratorio a sigui mantene constantemente e nivelnan mas halto di calidad y profesionalismo. E vision y dedicacion di Van der Linde a sigi impulsa e laboratorio pa dilanti, asegurando asinaki cu e ta keda na cabez di diagnostico medico y di cuidado di e pacient.

“Nos ta honra di a marca e significativo milestone aki den nos biahe di servicio na nos hendenan di Aruba,” Irene van

der Linde a bisa. “Laboratorio Familiar ta keda firme den su compromiso di brinda servicionan preciso, corecto y na tempo na nos comunidad. Mientras nos ta reflexiona riba e ultimo 38 aña nan, nos ta agradecido pa e confiansa y e apoyo especialmente di nos pacientnan, dokternan, companianan y amigonan. Durante su historia, Laboratorio Familiar a brasa di un manera continuo innovacion y tecnologia pa mehora su servicionan y a satisface e necesidadnan cambiante di e pacientnan y proveedoran di cuidado di salud. Desde testnan di sanger di rutina te na testnan especial, e laboratorio ta orguyoso di brinda resultadonan cu presicion y eficiencia.


Mientras Laboratorio Familiar ta conmemorando su 38 aniversario, e ta reafirma su dedicacion pa promove salud y e bienestar den e comunidad.



E laboratorio ta spera di continua su legado di excelencia bou di e liderazgo di Irene van der Linde,

mientras e ta keda comprometi pa sirbi e hende di Aruba pa hopi aña mas.

CHAUFFEUR A DAL NA ACERA PERDE CONTROL Y BOLTER CAY RIBA BARANCANAN NA HATO




Diahuebs anochi laat a drenta informe di un accidente na e rotonde di Hato, mesora a dirigi un patruya na e sitio.

Na yegada di e patruya a bin encontra cu un Hyundai Getz cu a accidenta.

E vehiculo aki tabata bini for di Tanki Flip yega e rotonde sin a brake dal na e acera perde control bolter y bay pega na e barancanan riba parkinglot di ELMAR.

E chauffeur mes a bandona e sitio na pia, polis a logra



topa cu un ocupante cu a bisa cu nan tabata bebiendo

na un lugar y a haya un lift for di e chauffeur.

MINISTER ENDY CROES A ELABORA RIBA E CONSTRUCCION DI UN JULIANA SCHOOL NOBO

Recientemente, Minister Endy Croes a reuni cu e comision cu ta atende cu e proyecto di un Juliana School nobo. E comision ta consisti di, entre otro, representante di DOW, DIP, consehero di Ministerio di Enseñansa, consehero di Ministerio di Asuntonan General y Infraestructura y e team di arkitekto cu ta preparando e diseño.

Desde aña 2016, e team di Juliana School a muda pa otro edificio temporalmente, pa motibo cu e scol no tabata den un bon condicion.



Manera ta conoci, Gobierno di Aruba a

stipula 6.7 milyon florin pa construi un edificio completamente nobo. Den cuadro di esaki, cada dos siman e comision ta reuni pa mira e avancen di e proyecto pa un Juliana School nobo. Minister Endy Croes a indica cu e proyecto ta canando bon tur stakeholder ta haciendo di nan parti pa cumpli cu tur regla y rekisito.

Minister Endy Croes a expresa cu lo informa Pueblo di Aruba unbes cu ta asina leu cu e destaho publico “aanbesteding” sali y e fecha cu esaki lo cera, pa asina scoge e contratista cu lo ehecuta e construccion di un Juliana School completamente nobo.



POLIS A PROHIBI CHAUFFEUR BURACHI CU NET A CABA DI YEGA SU CAS PA STUUR E PROXIMO ORANAN



Diabierna madruga a drenta informe di cu un chauffeur a sali burachi for di un hotel den Oranjestad den un auto Kia color

blanco y ta coriendo malisimo bayendo nort, polis a keda busca e auto pero ora a logra hay'e ta net ora e chauffeur a

yega su cas. Pa evita cu e bolbe sali polis a dun'e un prohibicion pa core auto bao influencia pa 8 ora.

Minister Glenbert Croes: MINISTER DI LABOR A REUNI CU GREMIONAN COMERCIAL TOCANTE E NECESIDADNAN RIBA MERCADO LABORAL

Diahuebs mainta, Minister di Labor Glenbert Croes a reuni cu Aruba Hotel and Tourism Association (AHATA), Aruba Trade & Industry Association (ATIA), Comerciantenan Uni Aruba (CUA), y Camara di Comercio (KVK). Meta di e reunion tabata pa Comercio vocifera nan preocupacion referente e retonan cu nan ta encontrando riba e mercado laboral y falta di trahado.

Minister Croes a indica cu durante e reunion, nan a discuti riba tur e necesidadnan cu tin actualmente. E mandatario a expresa e boluntad cu ta existi di parti di Gobierno y di Ministerio di Labor en particular pa bin cu solucionnan concreto pa coopera pa soluciona e retonan existente riba mercado laboral. Tambe a pasa riba tur e areanan cu ta den necesidad di trahado inmediato, pero semper respetando e maneho cu e yiunan di tera

ta haya prioridad. E necesidad di trahado riba mercado ta urgente y mester atende cu esaki y haya su debido atencion. E maneho di Gobierno semper lo duna preferencia na nos hendenan local y unabes cu esey ta cubri lo pasa na busca inmigrantenan cu ta bibando na Aruba cu mester di trabou. Pa cu esaki ministerio di labor lo coopera cu comercio door di haci e proceso di DPL y DIMAS mas eficiente, eficaz y transparente. E escases laboral ta un responsabilidad di nos tur y comercio y gobierno mester traha hunto pa nos logra cumpli cu e demanda laboral. Pa por yega na solucionnan concreto pa mehoracion den area laboral, a keda palabra cu señora Tisa LaSorte di AHATA y consehero huridico di Ministerio di Labor, Glendeline Croes, lo lidera un "taskforce", na unda lo pone tur e



recomendacionnan di tur local Comercio mester. Esaki lo wordo adapta y adopta como maneho. Unabes cu e proposicion aki ta cla, Gobierno lo ehecut'e, apoyando asina e sector principal di pais Aruba, cu ta turismo. Minister Glenbert a expresa cu e reunion tabata uno positivo, y a compromete su mes pa traha na bienestar di comunidad di Aruba, mehorado tur aspecto di e mercado laboral.

LADRONNAN A FORSA BENTANA PA DRENTA HORTA VARIOS MERCANCIA NA SHREK'S PET SERVICE

Diabierna mainta a drenta informe di un caso di kiebrot cu ladroncia na Shreks Pet Service na Balashi, mesora a dirigi un patruya na e sitio. Na yegada di e patruya a bin compronde cu a forsa e bentana pa drenta den e lugar y a bay cu varios mercancia for di e lugar> polis a nota cu e ladronnan a laga "vingerprint" na e sitio y a pidi pa e investigadornan tecnico y forensico presenta pa hunto cu recherche sigi cu e investigacion.



Prome Minister Evelyn Wever-Croes: PROME MINISTER A ATENDE FORUM Y REUNION TRILATERAL NA EUROPEAN COMMISSION NA BRUSELAS

Paisnan presente a keda satisfecho cu Aruba su maneho riba cambio climatico



Diahuebs 29 di februari, e delegacion di Aruba cu ta na Bruselas pa e Ministerial Conference OCTA 2024 a atende un forum na e European Commission. Pa e forum aki Aruba tawata representa pa Prome Minister Evelyn Wever-Croes.

Aki nan a reuni e 13 paisnan cu ta forma parti di OCTA hunto cu e paisnan miembro di Union Europeo, Hulanda, Francia y Dinamarca. Durante e forum aki cu a trata diferente tema importante y tambe a

tuma luga un reunion trilateral. E reunion aki tawata entre e 6 islanan di OCTA Hulandes; Aruba, Corsou, Boneiro, Saba, Sint Eustatius y Sint Maarten, Hulanda y e European Commission. Pa Hulanda tawata presente Secretario di Estado Alexandra van Huffelen.

Durante e reunion aki tawata tin un interes grandi den e maneho y vision di Aruba riba e tereno di energia. Akinan Prome Minister Evelyn Wever-Croes a duna un splicacion amplio riba e maneho cu

Aruba tin pa loke ta trata e cambio climatico. Aruba tin un council cu ta atende cu cambio climatico y pa esaki a alinea tur stakeholder na Aruba den un National Energy Policy. Esaki a keda cla un par di aña pasa durante Gabinete Wever-Croes. I tempo Prome Minister tawata tin e cartera di Energia y cu e actual Minister di Energia Glenbert Croes a sigui cu n'e y ya esaki ta den practica.

Prome Minister a sigui profundisa riba e maneho di e cambio climatico y a informa esnan presente cu e meta ta pa na aña 2030 Aruba ta depende solamente 50% riba crudo y 50% riba energia mas

limpi. E intencion ta pa transiciona di energia a traves di gas LNG y despues yega na e situacion ideal di hidrogeno. Prome Minister tambe a splica durante e reunion cu Aruba ta tene su mes na palabracionnan di e Acuerdo di Paris apesar cu Aruba no ta un pais ratifica pa esaki. Aruba ta spera cu paisnan grandi cu ta susha hopi mas tambe ta tene nan mes na e acuerdo aki.

Prome Minister tambe a informa riba e echo cu na aña 2023 hunto cu Hulanda, a organisa e prome Caribbean Energy and Climate Conference na Aruba, esaki den colaboracion cu Minister

di Energia di Hulanda Rob Jetten y Minister di Energia Glenbert Croes.

E paisnan presente a keda hopi satisfecho cu e informacion y splicacion ricibi di Prome Minister riba e maneho di e reto grandi cu ta e cambio climatico y e transicion pa energia mas limpi y akinan Prome Minister a remarca cu esaki ta un compromiso cu tur pais a haci y awor mester cumpli cun'e pa asina atende mihor cu e medio ambiente y baha e uso di e heavy fuel oil. Otro paisnan a papia di otro tipo di retonan cu nan tin pero e tema di energia ta algo cu constantemente a bin dilanti.

MINISTER ENDY CROES A REUNI CU COMISION FIHO DI DEPORTE DI PARLAMENTO

A trata e topico di Lotto pa Deporte

: Recientemente, Minister Endy Croes a atende reunion di comision fiho di deporte di Parlamento di Aruba. Presidente di comision fiho di deporte, Sra. Setty Christiaans – Yarzagaray a invita mandatario di Deporte pa elabora y duna informacion actualisa di Lotto pa Deporte. Durante e encuentro, Minister Endy Croes a duna un presentacion amplio di e historia di Lotto pa Deporte desde 1982. Tambe, el a elabora con Lotto pa Deporte ta hinca den otro.

Na 1999, Lotto pa Deporte a bay pa prome bes online

via e sistema di Canadian Bank Note (CBN). A repasa e cifranan di e jaarrekening di 2009 pa 2020. Desde 2011, bou di gobierno anterior a cambia e contract cu CBN, unda cu CBN a cuminsa ricibi 23.5% di e benta bruto en bes di 8.25%. Esaki a causa cu deporte a haya hopi menos placa.

Manera ta conoci, un team di FLPD a renegocia un contract nobo cu CBN. Desde e prome kwartaal di 2023, e contact ta firma, no a tuma over pa e contract drenta na vigor comokiera cu falta algun rekisito cu ta finalisando, entre otro, jaarrekening di Lotto pa



hacie mas al dia. Cu e contract nobo aki ta bolter bek e situacion cu CBNA y CBN Canada, en bes di ricibi 23.5% ta bay bek na 8.25%. Tambe, Minister Endy Croes a elabora riba e proyectonan deportivo cu

ta den “pipeline” cu Lotto pa Deporte lo sostiene. Casi 2 ora di reunion unda cu Minister Endy Croes bay hopi amplio y a contesta tur e preguntanan cu el a ricibi di e parlamentarionan.

Por ultimo, e miembronan di parlamento a keda contento cu e desaroyonan nobo y tur informacion cu nan a ricibi al respecto di Lotto pa Deporte y e contract nobo.


PAREHA TURISTA A BOLTER Y RESULTA HERIDA DURANTE UTV TOUR PARIBA DI “BLUE RANCH”

Diahuebs mainta a drenta informe di un accidente cu hende herida pariba di Kapel Alto Vista, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un pareha turista cu ora cu nan ta biniendo pabao a dal riba un piedra y a bolter e dama cu tabata den e UTV a resulta seriamente herida. Cu otro persona a logra trese te patras di Kapel unda ambulans a bin buske.

Polis a bay te na e sitio unda e incidente a sosode





EMBASSY
SUITES
by Hilton™

Aruba Resort



Natura Development N.V. ta gradici Gobierno di Aruba pa e permiso necesario pa instala facilidadnan na beach pa uzo di su huespednan y pa publico en general.

Na tur departamento cu a colabora den e proceso, nos gradicimento.

Natura Development N.V. semper a kere den Aruba y lo sigui inverti den e temponan nos dilanti.

DANKI



NATURA
Development

Falta di preferencia causa di un accidente na e rotonde Balashi



Diabierna mainta a drenta informe di un accidente cu hende herida na e rotonde Balashi, mesora a dirigi tanto polis como ambulans na e sitio. Na yegada di e patruya a bin compronde cu no tin hende herida y cu ta un Mitsubishi cu no a duna preferencia na e Nissan March y a bay dal riba esaki. Como cu no tabata tin hende herida a cancela e ambulans.



SOPÍ DI LETRANAN

Z	B	D	R	L	I	O	N	T	V	H
C	E	C	U	A	C	A	T	E	B	O
D	H	B	R	C	B	E	O	N	U	R
O	G	I	R	O	K	B	I	Q	T	S
G	I	P	C	A	C	H	I	W	T	E
C	R	P	N	K	P	O	E	T	E	S
O	A	S	I	L	E	E	D	R	R	P
W	F	V	O	G	B	N	R	I	F	I
U	F	D	D	O	N	K	E	Y	L	D
S	E	W	H	A	L	E	F	L	Y	E
E	L	E	P	H	A	N	T	D	F	R

DOG
CAT
BEE
COW
HORSE
DONKEY
CHICKEN
PIG

RABBIT
DUCK
WHALE
DOLPHIN
SPIDER
BUTTERFLY
SNAKE
GIRAFFE

ELEPHANT
CROCODILE
LION
ZEBRA
FLY



PRONOSTICO DI TEMPO

VALIDO TE DIALUNA 04 DI MAART 2024,
18:00 ORA
TEMPO:
AWE TARDI Y AWE NOCHI: PARCIALMENTE
NUBLA Y GENERALMENTE SECO
DEN MARDUGA Y MAYAN: PARCIAMENTE
NUBLA CU UN AWACERO BREVE
TEMPERATURA MAXIMO 32 GRADO CEL-
SIUS
TEMPERATURA MINIMO 26 GRADO CEL-
SIUS
INDICE DI CALOR (HEAT INDEX) DEN Y
ROND
DI ORANAN DI MERDIA: 33 PA 38 GRADO
CELSIUS
UV INDEX: 10
POTENCIAL DI AWACERO PA PROXIMO 24 ORA:
1 TE 3 MM; LOCALMENTE ESAKI POR TA DIFE-
RENTE.
REGISTRACION DI TEMPERATURA (GRADO CEL-
SIUS) Y
AWACERO (MM) DEN ULTIMO 24 ORA (8'AM PA
8'AM):
PRONOSTICO DI TEMPO PA PROXIMO 3 DIANAN:
PARCIALMENTE NUBLA CU UN AWACERO PAS-
AJERO.
BIENTO LO TA FOR DI DIRECCION OOST Y
MODERA
TE BASTA FUERTE, POSIBLEMENTE FUERTE
DEN RAFAGA.
TEMPERATURA (GRADO CELSIUS)
MAX / MIN LO TA: 32 / 26

Vandalismo saliendo di man; momento cu a bolbe kima un palapa



Eagle Beach - Diabierna anochi Brandweer ta wordo notifica di un palapa na candela, teginover di La

Cabana. Brandweer y tambe polis cu a yega e sitio y a mira cu

ya e candela a wordo practicamente domina. Di un of otro manera a bin haya sa cu e candela a wordo cometi door di hobennan, cu ta frecuente altura di e luga di tennis cerca ey-banda.

Horoscop 4 maart 2024

Aries (21 di maart - 19 di april):
Awe lo bo tin e energia pa enfrenta cualkier reto cu ta bin riba bo caminda. No lubida di mantene un mente positivo y traha duro pa logra bo meta. Number di suerte: 5, 14, 21, 28, 33.

Tauro (20 di april - 20 di mei):
Bo determinacion ta na su punto halto awe, y esaki lo yuda bo avansa den bo carera of proyecto personal. No bay dilanti cu miedo, bo tin e habilidad pa triunfa. Number di suerte: 4, 12, 19, 25, 38.

Gemini (21 di mei - 20 di juni):
Awe ta un dia pa enfoca riba bo relacionnan personal. Duna atencion na esunnan cu ta rond di bo y traha riba reforsa e conexionnan cu nan. Number di suerte: 6, 15, 22, 29, 35.

Cancer (21 di juni - 22 di juli):
Bo ta sinti un cambio di energia y bo ta cla pa brasa of adopta e oportunidadnan nobo cu ta presenta. No tuma decision pura pura, pero si mantene un mente habri. Number di suerte: 3, 11, 18, 24, 31.

Leo (23 di juli - 22 di augustus):
Awe lo bo nota un aumento den bo creatividad y inspiracion. Uza e momento aki pa uza bo talentonan y traha riba bo proyectonan artistico of creativo. Number di suerte: 8, 17, 23, 30, 36.

Virgo (23 di augustus - 22 di september):
Bo ta dispuesto pa pone e trabou duro necesario pa logra bo meta. Mantene un enfoke firme y determina pa bo lo logra tur loke bo desea. Number di suerte: 2, 10, 16, 27, 34.

Libra (23 di september - 22 di october):
Awe lo bo sinti un deseo pa enfoca riba bo bienestar personal. No lubida di dedica tempo na bo mes y traha riba mantene un balans saludabel. Number di suerte: 7, 13, 20, 26, 32.

Scorpio (23 di october - 21 di november):
Bo ta sinti un aura di misterio rondona bo awe, loke por yuda crea un ambiente intrigante na bo bida personal of profesional. Probecha e oportunidadnan cu ta surgi. Number di suerte: 9, 18, 25, 31, 37.

Sagitario (22 di november - 21 di december):
Awe ta un bon dia pa enfoca riba bo comunicacion. Sea claro y directo den tur interaccion cu bo tin, y bo lo mira resultadonan positivo. Number di suerte: 3, 12, 19, 28, 35.

Capricornio (22 di december - 19 di januari):
Bo determinacion ta na su punto halto awe, y esaki ta yuda bo avansa den bo carera of proyectonan personal. No tuma decision pura, pero sigui traha duro. Number di suerte: 6, 14, 21, 29, 36.

Acuario (20 di januari - 18 di februari):
Awe bo lo sinti un impulso pa explora e mundo mas leu di bo comfort zone. Probecha e aventuranan cu ta presenta y no tene miedo di cambia. Number di suerte: 1, 11, 17, 24, 33.

Pisces (19 di februari - 20 di mart):
Awe bo lo sinti un cambio di energia positivo, cual ta yuda bo sinti bo mes revitalisa y enfoca riba bo metanan personal. Number di suerte: 5, 15, 22, 30, 38.

Señora peaton; victima di hit&run ariba Driemasterstraat



Driemasterstraat/ Venezuelastraat - Diasabra anochi algo prome cu 8'or polisnan a bay altura di ex United Dinner, unda auto a dal un hende muhe lag'e benta abou. Na yegada autoridad a topa cu e hende muhe

ariba caminda, pero nada di e vehiculo. Segun testigonan; e auto of locual cu a dal'e a sigui bay nort ariba Driemasterstraat. Pakiko nos a usa e palabra "locual" ta debi cu despues a cuminsa papia di un scooter.

Restonan di luz a keda benta ariba caminda. Paramediconan cu a presenta mesora a atende cu e señora cu tawata na tino. Polis di trafico a presenta pa atende cu e accidente aki, unda cu un biaha mas por mira cu e trend di ac-

cidenta y no keda na e sitio.

Dos persona herida den accidente na Coba Lodo



Coba Lodo - Diadomingo marduga pa mas o menos 1'or y mey, polis di Santa Cruz a bay direccion Coba Lodo, unda cu a sosode un accidente y tin

hende herida. Na yegada di patruya, nan ta topa cu un Kia flatbed pega contra un palo di luz parti pabou di caminda.

Den e auto, un cabayero y un dama hoben ambos a ricibi golpinan fuerte na cabes. Kiko exactamente a sosode no ta mucho duidelijk. Un cos por mira ta cu e chauffeur a kita bay completamente na su man robes y dal contra un palo di luz. Ambulance a presenta y a atende cu e personanan y despues di a stabilisa nan a sali direccion Hospitaal. Compania di seguro y Elmar a wordo poni na altura.



Team USA a gana Team Aruba



Barrio Brazil.

Dia 2 di Maart tabata un dia hopi spera pa Taekwondo Team Aruba y Taekwondo Team USA. Despues di e face off Antwaun Wilson coach di Taekwondo Team USA a agrega dos pelea mas pa por tin mas pelea pa Taekwondo Team Aruba.

Presidente di Aruba Taekwondo Bond "ARTBO" a hiba palabra y a gradici Taekwondo Team USA pa bin Aruba pa e challenge. Despues cu Aruba a gana den e TK5 na Orlando y Surinam a enfrenta Team USA aki na Aruba. Aruba lo por a gana, mirando cu tabata na nan cas, pero cos no a bay manera a spera, pasobra Taekwondo Team USA a bin bon prepara pa Taekwondo Team Aruba. Taekwondo Team USA a gana Taekwondo Team Aruba cu un score di 15-2.

Despues di e peleanan Master Yoshmar Wever y Master Clifford Rasmijn a papia cu e team di Aruba tocante nan peleanan. Esaki ta algo cu Master Yoshmar Wever y Master Clifford Rasmijn sa haci semper despues di cada evento pa sa kiko a bay bon y kiko a bay malo. E siguiente challenge ta bay ta entre Aruba y Surinam aki na Aruba den luna di Juni.



Diasabra anochi a tuma luga e Taekwondo Challenge entre Team Aruba y Team USA den Centro di

Sudoku

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

		1	2			6		
	7			9	6		4	8
	6	8		5	4		2	
7	5			4				2
	9		6	8		7	5	
8		6	7			9	3	
			5	1	9		8	6
1		9			2			
	2	5						9

SABIDURIA DEN NOS ALEGRIA

Skirbi pa Ruthy”Lady Ruth” Vrieswijk-Bergen



Nos ta den e luna di Maart, e luna dedica na nos hendenan muhe y tambe na nos Dia Nacional.

Nos ta para keto un rato, pa recorda tur nos muhenan bunita balente y inspira cu no tey mas cu nos den e mundo fisico aki, pero, cu ta mas serca di nos mente, alma y curason, Nos ta pensa e.o. riba nos bunita welanan y bisawelanan, nos ta pensa riba nos “tante Gerrie”, na Chichi di Joy y nos tia Irena, nos amiganan grandi Juana, Maria y manera mamanan sin dolor di Ruthy

TanTina y Estrellita dfm. Nos ta pensa riba nos colega Poeta Filomena Wong, e artista Poeta Gwendy Sneek y nos ta pensa riba nos amiga Juffrouw Rita Williams tur dfm, kendenan a hasi un diferencia den bida di hopi rond di nan. Y riba varios di esnan cu si tey ainda cu nos den e mundo material aki. Lady Ruth ta manda un “bearhug” diki grandi pa ami-

ganan “sister friend” e.o. Milly, Miriam, Indra, Eda, Myrna, Marcia y Veny, Mary, Laureen, Ann, Mena, Valerie, Marline, Vivian, Blondine, Mirlanda, Ariana, Bea, Farrah, Magaly, Regene, Tante Gietie, Verna, Nilka, Jeanette, Tia Loly, Joyce, Munye, Desiree, Sharlyn y primanan Naomi, Vencher y na Hulanda Sabrina y Ruthy su “amiga desde scol Mavo su “correspondentie vriendin” Maria. Na su bunita cunya, un hende muhe fuerte y directo, Mirla, y sobrina Queeny, na su iha

Rhojeanne, na Ruthy su yui muhenan “daughters in law” beautiful Joanne y Manuh y na su unico nieta prinses, casi sweet sixteen, lieve talentvolle Lexie cu ta toca piano asina bunita. Y principalmente, hopi amor y gradicimento pa su bunita y dushi Mama P. Mercedes Bergen-Tromp “Mayo”, cu na luna di April venidero Dios mediante lo cumpli 88

anja di edad. Y aunke nos Mama ta lubida un crenchi, nos sa ken nos mama ta y nos ta stime tur dia cu Dios ta regala nos. Ruthy su mama ta su “role model” di mas grandi y di mas importante den su bida. For di su bunita y balente mama Ruthy a sinia kiko ta ser humilde y honesto y kiko ta comparti. “Caring and sharing” y pa semper ta bo mes natural sin nada artificial. Mi dushi mama a sinyami con mas pa stima mi casa Johan den ups and downs. Lady Ruth ta manda palabranan di pabien na su amiga grandi di Sero Lopez Mona de Mey cu a caba di cumpli 80 anja di edad. Un dushi y bunita celebracion cu su famianan, amiganan y bisinjanan anima alegremente pa e gran musico Francis Jacobs cu su dushi musica cu a lanta nos pa bayla y los e cinturanan un crenchi. Mona tambe ta manera un mama sin dolor di Ruthy. Danki lieve Suzy, pa



tawata e curason di e fiesta dushi aki! Ainda nos ta smak e dushi sopi di batata y e drink “Sneeuw witje” Pabien ta bay tambe pa un hende muhe balente y hopi carinoso y amabel, Corientje, cu hunto cu Kitty ta e caranan y curason di Coffee House den La Sallestraat. Corien a caba di cumpli 15 anja den servicio di Coffee House. Un dushi hende semper cu su bunita sonrisa y servicio excelente! Lady Ruth ta desea di manda un dushi “bearhug” tambe pa tur su lectornan hende muhe cu ta gusta lesa nos relato y cu regularmente ta duna nos palabranan di elogio y complimenta nos, specialmente nos dushi y bunita Amanan di Cas cu ta e curason di nan famia. “Last but not least” un pabien caluroso tambe pa nos Prome Minister Evelyn Wever Croes y nos Minister di

Cultura Xiomara Maduro, kendenan ta traha incansablemente pa yuda hiba nos pais Aruba padilanti. Nan tambe ta hendenan muhe ehemplar den nos comunidad.

Danki Aruba, pa lesa nos relato. Danki y pasa un dushi dia yen di sabiduria den nos alegria!

Ruthy”Lady”Ruth, lo sigui hasi su best pa tambe ta un bon role model pa tur rond di dje, algo cu ela hasi anjanan pasa den scouting cu hopi amor. “This little light of mine, I’m gonna let it shine”. Nos lo sigui inspira tur rond di nos cu nos alegria y positivismo tur dia!

Danki Bon Dios pa bo amor infinito cu asina hopi bendicion ariba nos tur, hende muhe!

Lady Ruth ta conclui cu su haiku:” Un hende muhe - Amor ta brota di dje - Ta pesey cuide!

Biento fuerte a benta homber di edad canando riba parkinglot na Mabon



FOR SALE

For music collectors Longplays
at 2 guilder each Tel 5972155

Diabierna mainta a drenta informe di cu tin un persona di edad benta abao y no ta muestra bon, me-sora a dirigi tanto polis como ambulans na e sitio. Na yegada di e patruya a bin topa cu un homber di edad benta abao. Polis a logra compronde cu e homber aki tabata cana riba e parkinglot y un biento fuerte a bent'e abao y e no por a lanta di su mes. Na yegada di e ambulans nan a atende y como cu e ta biba ey mes na e complex di F.C.C.A. nan a yud'e subi na e di 2 piso pa hib'e na su apartamento. Un suplica ta bay na e fundacion F.C.C.A. pa wak si por regla un apartamento unda e no tin mester di subi trapi.



SOLODIPUEBLO@GMAIL.COM

CEL.585 9500



FOR SALE February 2024

Office items

2 drawer steel file cabinet	150.00
1 clothes cabinet	100.00
Metal storage cabinet with key 6 ft heightx3ft wide	350.00
home items	
Steel porch set local art uniek	800.00
Camara Polaroid one 500 model	50.00
Minolta super 8 sound projector with 23 films	200.00
Tools	
Heavy duty ampere meter	75.00
For more info 5972155	

FOR SALE

FOR COLLECTORS

Old baseball cards	inventory list	350.00
4400 pcs Aruba telcards	inventory list	400.00
5 complete albums world cup		
panini stickers,2006 t/m 2014		500.00
28 Factory sealed Alvarez Guedes		
jokes cassettes		280.00
Blank cassettes	60 & 90 min	5.00 each
DVD casings		gratis
1944 Curacao silver Rijksdaalder		best offer
100 gram pure silver bar		best offer
All in excellent condition		

tel 5972155

email:josephr@setarnet.aw

ORACION DI DIA



**Un feliz dia bendiciona colma
cu hopi amor, fe y speransa den
nos Bon Dios**

Despues di un rato e cria a bisa su shon: 'Señor a cumpli cu bo ordo,
ma toch a sobra luga!' (Lucas 14: 22)

Nos ta forma un solo curpa pa medio di nos union cu Cristo y nos ta uni mescos cu partinan di un solo curpa (Rom. 12: 5). E cria lo a haya duele ora prome invitadonan a nenga. Asina mes el a sigui cumpli cu ordo di su shon y aunke el a cumpli toch a sobra luga. Esaki ta muestra cu e ta persevera y cumpli cu zelo cu su shon y ta na paz. Nos tin cu traha pa, y sirbi Señor cu zelo (Rom. 12: 11). Pero, Señor tin mas luga, pues e capacidad pa invita-donan pa e reino di Dios ta surpasa e expectativa di cada un di nos. Hesus ta siña nos pa cumpli cu ordo di Tata. Aunke nos por pasa den tribulacion y perseverancia, oracion constantemente ta yuda paso e speransa cu nos tin lo haci nos contento (Rom.12: 12). Paso cerca Señor nos ta na paz manera un yiu cerca su mama (Salmo 131).

Oracion: Señor regala nos gracia pa nos comparti donnan conforme Bo
boluntad y biba den harmonia cu otro.
Amen.



Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto
ser dera


Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto
ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 AFI 400,00

**Pa mas informashon por tuma contacto cu oficina na
585-9500 of na 741-4554**



ROYAL ARUBA ALOE BALM TIN E DEBER
TRISTO DI ANUNCIA FAYECIMENTO DI:
Greta Posner-Figaroa

Na bida señora di e tata defunto
di nos accionista Louis Posner

Hopi forza na famia Posner-Figaroa,
den e momentonan di tristesa aki.

"Drumi dushi, Greta"